

LUNGLEI DISTRICT HEADQUARTER MIPUI TE TANA INKAIHHRUAINA

A. MIPUI VANTLANG TANA INKHUAHKHIRHNA

- 1) Hemi inkhuahkhirhna hun chhung hian tumahin mahni in/ compound an chhuahsan tur a ni lova, building khata in hrang hrang luahte pawh intlawhpawh loh tur a ni. **Mahni vengchhunga thenawmte in-a len luh pawh khap a ni.**
- 2) Tul bik thil vanga chhuah ngai – damdawi lei tur, Doctor hnena inentir tur emaw loh theih loh-a chhuah ngai-te chuan an awmna VLTF te phalna an la hmasa tur a ni.
- 3) Mahni chenna khua chhuahsana zin veivah khap tlat a ni. Amaherawhchu, chhiat tawh leh damlohna (medical emergency)-a mahni khua chhuahsana zin veivah a tul chuan mahni awmna veng/ khua VLTF te hriatpuina lehkha nen zin veivah theih a ni ang. Chu lehkha-ah chuan an kal tanna (origin) leh zinna/ kalna tur hmun (destination), zinna chhan, ni leh darkar te a chuang tur a ni. Heng bakah loh theih loh thila zin tul naah chuan Deputy Commissioner/ SDO (Civil)/ BDO ten phalna an pe thei ang.
- 4) College/ University zirlai online exam tur te tan admit card lak/print out emaw signal thatna hmuna exam tura veivah chungchangah VLTF ten ruahmanna an siam anga, VLTF te ruahmanna siam chu an zawm tur a ni.
- 5) Bungraw awmsa emaw siam chhuah/tharte heng balu, lung, rawra, brick, thingzai, furniture, steel fabrication etc kaihnawih thiar/lak/sem khap a ni.

B. HE INKHUAHKHIRHNA HIAN A HNUIAIA TARLANTE LEH HENG HMUNA THAWKTE HI A HUAM LOVANG

1. Places/vehicles (Hmun/lirthei):

- i. Hospital, nursing home, clinic, laboratory, OST center, OSC, ART centre, blood bank leh damdawi dawr.
- ii. Veterinary hospital, dispensary, clinic, zoo leh hatchery.
- iii. Bank, non-banking financial institutions, insurance, ATM leh post office. Hengte hian mipute nena indawr tam lo tur leh hnathawh tul bik chauh kalpui turin ruahmanna an siam ang.

- iv. Petrol/Diesel filling station leh LPG storehouse.
- v. Fair Price Shop/ration dawr te leh FCS&CA Department/FCI hnuaia godown te.
- vi. COVID-19 duty te hman taxi leh rental motor, mahni motor (2 wheeler/ 4 wheeler) duty nana hman emaw duty na tur hmuna mahni chhungte/driver te inhruaitirna motor. Heng mahni lirthei keng emaw inhruaitir nana motor hmangtute chuan Covid-19 executive duty an nih thu chu lirthei registration number langin an thawhna Head of Office te hnen atangin hriatpuina lehkha an keng tur a ni.
- vii. Feed mill/Ran chaw zawrhna dawr leh AH & Vety slaughter house.

2. Services (Hna):

- i. COVID-19 vaccination leh immunization programme dangte, ambulance service.
- ii. Animal disease control programme.
- iii. Postal service, blood donation camp/service.
- iv. Kohhran hna ÷ul zual thawk tura Kohhran office kal leh kohhran hotute programme pawimawh bik.
- v. Nau pai, nausen pawmlai leh naupang te hnena nutrition (chaw ÷ha) sem bakah nutrition sem tur godown atanga phurh chhuah leh sem darh.
- vi. Bawnghnute sem leh lakkhawm.
- vii. Power & electricity, sanitation & solid waste management (hmunphiat leh bawlhhlawh paih te huamin), telecommunication, internet service, broadcasting leh cable service, septic tank service (ek paih), water supply (mimal tui chawite huamin), tui chawi/sem chhuak tur ten mahni chenna veng VLTF phalna/hriatpuina an nei tur a ni.
- viii. Print & electronic media leh chanchinbu sem.
- ix. Bungraw load leh unload hna chu VLTF te enpuina/ hriatpuina in **tlai dar 6:00 atanga zanlai dar 12:00** thleng phal a ni.
- x. Private security service.
- xi. Medical emergency leh chhiat tawh thila awmna veng LLTF/VLTF te hriatpuina lehkha nena chhuah.
- xii. LPG delivery service.
- xiii. Inter- District-a bungraw phur courier service te.

C. DAWR INHAWN DAN TUR CHUNGCHANG

1. DAWR BUNGRUAW SEM CHUNGCHANG

Thawhtanni (Monday) leh Ningani (Thursday) **tlai dar 6:00 atanga zanlai dar 12:00 inkarah** wholesaler/distributor ten VLTF hriatpuina-in zuar chhawng turte (retailer) hnenah bungrua an sem chhuak thei ang. **Hei hi Thawhtanni (Monday) leh Ningani (Thursday) zan a tan chauh a ni ang.**

Wholesaler/Distributor te kudam/ dawr-a zuar chhawng turten (retailer) bungrua la tura an kal khap a ni.

2. EICHAWP LEH RAN CHAW ZAWRHNA (ESSENTIAL COMMODITIES) DAWR

Thawhlejni leh Zirtawpni chawhma dar 10:00 atanga tlai dar 5:00 inkarah nitin mamawh eichawp (essential commodities) leh ran chaw zawrhna dawr chu a inhawng thei ang-a. Chawhma dar 10:00 leh chawhnu dar 2:00 inkarah Lunglei Town Area pawn lam tan bungrua a lamkhawm theih anga, chawhnu dar 2:00 atanga tlai dar 5:00 inkarah Town Area huam chung tan bungrua a lamkhawm theih ang.

Mamawh lamkhawm turin chungkaw pakhat atangin mi pakhat bak pawn chhuah khap a ni a, Bazar nan-a motor ken pawh khap a ni.

3. THLAI LEH SA ZAWRHNA

Thawhlejni leh Zirtawpni zing dar 5:00 atanga tlai dar 5:00 inkarah thlai leh sa zawrhna hmun te a inhawng ang-a, thlai leh sa te chu mahni vengchhung-a lei tur a ni a, mahni vengchhunga mamawh kim lo veng danga bazar tur te chuan mahni chenna VLTF hriatpuina/remtihna lehkha an keng tur a ni a. **Mamawh lamkhawm turin chungkaw pakhat atangin mi pakhat bak pawn chhuah khap a ni.**

4. ZIRLAIBU ZAWRH NA DAWR (STATIONERY DAWR)

Thawhlejni chawhma dar 10:00 atanga tlai dar 5:00 inkarah hawn phal a ni a, mamawh lam tur chuan mahni veng VLTF ah phalna lehkha an la hmasa tur a ni a, mamawh lam turin chungkaw pakhat atangin mi pakhat bak pawn chhuah khap a ni.

5. Thlai chi/tiak leh Agriculture/Horticulture/AH & VETY/ Fisheries kaihhnawih-a loh theihloha thlai chi sem/ar note sem/ sangha chi lak/sem etc chu phal a ni a, Head of Office leh Office awmna veng VLTF ten ruahmanna an siam ang a. Thlai chi/tiak leh agriculture kaihhnawih bungrua zawrhna dawr chu hawn phal a ni lo.

